


B. N. C.
FIRENZE
1044
20



XXXVII
CLOCHE

1700

67.



In Dei Filio sibi dilectis RR. PP. Fratribus,
ac Sororibus Vniuersi Ordinis Fratrum
Prædicatorum.

Fr. Antoninus Cloche Sacre Theologiæ Professor, ac
Ordinis humilis Magister Generalis & seruus. Salu-
pitas lacrymas, animi gratitudinem, & mortis
recordationem.



LRISTI animo, acerboque dolore repleti hanc ad
Vos Epistolam mittimus, qua ingentem iactu-
ram Ordini, Ecclesiæ, Orbique illatam Vobis de-
nuntiamus. Ereptus nobis est, ereptus Eccle-
siæ, Orbique vnuerſo Eminentissimus Hiero-
nymus Casanate: atque eð granior iactura est,
quod nec vnum Purpuratorum Patrum Cœ-
tum, nec solam Orbis Caput Romam, sed exteræ etiam gentes
acerbissimo mæore perceller, apud quas celeberrimum erat Ca-
sanate nomen, Mecænatis literatorum omnium, ac eruditorum
amantissimi, quorum sibi animos, nec meritum fama solùm,
sed & beneficijs effusis depinxerat: Quis satis incorruptos mores,
ardentissimum pro Fide, ac Religione tuenda zelum, sublime in-
genium, eruditionem summam, iudicium acerrimum, inflexam
animi rectitudinem, cæterasque dores, quæ seiunctæ etiam ma-
gnam commendationem merentur, in vno coniunctas, dignis vn-
quam laudibus celebret? Nulli rerum experientia longo vsu com-
parata inferior, in rebus intricatissimis certam, expeditamque
sententiam ferre solitus, omnium ad se oculos conuertebat, vt se
talicem haberet quisquis in rebus, quæ ad Sacrum Tribunal re-
feruntur, Eminentissimum Casanate suæ causæ propitium fore
persentiret. Diu officia omnia collata pertatim à Summis Pontifi-
cibus, à quibus maxima semper in existimatione habitus est, in
Romana Curia exercuerat, vt his gradibus ad Summum Sapien-
tiæ culmen eueheretur, & antiquæ Maiestatis Romanæ, quæ Orbi
leges tulit, & referret in sese imaginem, & magnitudinem sustine-
ret. Sed quod propius ad nos spectat, quis vnquam satis amantissi-
mi Cardinalis erga Dominicanam Religionem beneuolentiam, be-
neficientiam, ac effusum amorem commendet? quem sanè non ob-
sequia viro supra fortunam euecto à nobis exhibita meruerant,
sed conciliauerat vnica doctrinæ integritas, quam ex D. Thoma
hau-

haustam, nostro in ordine integram, ac illasam semper suspexerat: atque ea vox sapius à viro, cui vna communis Ecclesiæ boni ratio cordi erat, audita est, felicem Orbem fore, si vna D. Thomæ doctrina vbique obtineret; Vnus in Scholis, ac Academicis Thomas Doctor audiretur, ac consuleretur in rebus dubijs: nulla forent, inquiebat, in Orbe hæreses; nulla in Morali, quæ conscientias hominum regit, relaxatio; Nulla in Mystica Theologia, quæ Sanctitati viam sternit, exerratio, aut illusio. Hinc ille in nostram Religionem amor, quod præclarum hunc doctrinæ thesaurum nulla parte imminutum in Dominicanæ familia seruatum hætenus agnosceret, diceretque sapius magnum futurum perpetuè Ecclesiæ subsidium Dominicanum ordinem, dum eam doctrinam coleret, ac tuendæ incumberet. Sed quis Ordini collata ab Eminentissimo Cardinali beneficia commemoret? Non hac vna epistola omnia referri possunt: Vndè & supremam Purpurati Principis voluntatem Tabulis consignatam in omnium manus venire, omniumque oculis subijci quamprimum licuerit peroptamus; vt agnoscat nedum Ordo, sed & Orbis, quantum ipsi Dominicana Religio debeat. Conuentum Mineruæ hæredem ex asse instituit: Bibliothecam amplissimam, refertissimam, ac in primis selectissimam reliquit, & ad publicum commodum, ac vsum, Vir vni communi bono intentus destinauit, relicto non mediocri annuo reditu, quo deindè augeri possit; & inter celeberrimas totius Orbis Bibliothecas recenseri. Præter duos Bibliothecæ Præfectos, qui huius curam habeant; Regentes duos institui voluit, sed ea lege, vt vni D. Thomæ Summæ Theologicæ textui perlegendo, & explanando incumbant; Cum probè sciret Vir eruditissimus, nihil in eo præclarissimo opere ad explicanda fidei, ac Religionis Mysteria, ad elucidanda veræ, & solidæ Theologiæ arcana, dubiaque omnia resoluenda deesse; petitis tamen, si quando opus esset, ex alijs Angelici Præceptoris operibus varijs explanationibus, quod ipse comprobasset, nihil solidius inuehi posse, quam quod ipse D. Thomas suis operibus complexus fuisset. Demùm sex ex eodem nostro Ordine Religiosos Viros, doctrina, ac eruditione conspicuos, gradibus in celebrioribus Orbis Academicis insignitos, ex omnibus Regnis, Italia, Germania, Gallia, Hispania, Polonia, Anglia, ac Belgio delectos, Romam aduocari voluit, quorum vnica cura esset vacare studijs, eruditionemq; omnem comparare, vt parati semper, promptique essent ad Ecclesiæ, Sanctæque Sedis defensionem, & refellendos errores, & nouitates comprimendas, quibus oppugnari sæpius fidem, ac Christianam Religionem toties ipse ingemuerat. Hæc iam dudum, cum integra valetudine frue-

retur,

retur, post longam meditationem constituerat, eo consilio, vt cum instaret vltima dies, non aliud, quam de aeterna salute, ac deponendo inter Creatoris manus spiritu cogitaret. Graui tandem & lethali morbo correptus, qui diu moriturum exercuit, quæ Christianæ pietatis exempla, quæ comparatæ iam dudum in Deum, fiduciæ indicia dederit, sciunt qui propius ad eum accesserant Viri omnium Ordinum clarissimi, quos vel amittendi Cardinalis titulis omnibus ornatissimi timor, aut concepta iamdudum de eo existimatio ac benevolentia aduocauerat; ac nos etiam testes sumus, qui vix ex huius latere, dum morbo laboraret, ac in extremis ageret, discessimus. Nedum diuinæ voluntatis arbitrio sese permittere, sed & diuinum beneplacitum, & destinatam mortalibus communem legem ex animo amplecti perpetuo visus, placido semper, ac interdum ridente etiam vultu, summam animi tranquillitatem præseferbat; atque ea omnium, qui aderant vox erat, ingentem quidem Ecclesiæ iacturam Eminentissimi Cardinalis mortem esse, sed maximum Hieronymi lucrum, vt etiam non dissimilem, & quantum conijci poterat felicem aded vitæ exitum ipsi Religiosi Viri sibi peroptarent. Quis fuerit in Vrbe omnium luctus audito Cardinalis Casanate à vitâ discessu, quantum in huius laudes sese omnes summi, infimique, ac omnium Ordinum effuderint, vix explicari posset; vt eximie virtutis concessa iam à Deo inter homines aliqua merces tanta Viri commendatio existimaretur, quam nullo deinde spatio temporum interitura præclara Viri gesta ad posteros deferent. Hæc Reuerendi Patres, ac Fratres, charissimi, dum recolimus acerbissimo nos dolore implent, & parem debitumque tot beneficijs gratitudinis sensum in nobis accendunt, quem vtinam non inferioribus officijs demonstrare liceret. Sed vt quod in nobis est Eminentissimo Cardinali de Religione nostra meritissimo, pijs operibus precibusque ad Deum fuis rependamus, si quid particularibus flammis, quas vix inculpatissimi Viri effugiunt, eluendum superesset; Harum serie nostrique auctoritate officij mandamus omnibus ac singulis, tum fratrum, tum sororum Superioribus, vt solemnes pro Eminentissimo Cardinali Hieronymo Casanate exequias persoluant eo ritu, quo pro Generalibus Ordinis persolui solent: Ac in super mandamus per Vniuersum Ordinem à Sacerdotibus Missam celebrari, à Clericis & Velatis sororibus septem psalmos, à Fratribus laicis, & sororibus Conuersis Rosarium recitari; Quibus nos alias preces, pensâ horaria, vigilias, piaque oper. ac totius Ordinis suffragia applicamus. Atque hic in fine Vobis in Christo dilectissimis Patribus, ac fratribus in mentem reuocamus non vltimum inter Religionis ac pietatis exercitia esse debere

continuum mortis meditationem; veram Sapientiam esse nouissima
prouidere, ac *de sorte mortis*, vt Sapiens loquitur, perpetuo cogi-
tare: Beatum fore seruum, quem cum venerit Dominus, inue-
nerit vigilantem, *vt presentis vite finis futura principio cohereat*,
& nobis, qui professione Religiosa Mundo iam excessimus, *valere*
Christus sit & mori lucrum. Valete Nostri & Sociorum vestris in
orationibus memores. Romæ die 6. Martij 1700.

Fr. Antoninus Cloche.

Magister Ordinis,

Registata fol.

1044.20

222

